

Հակակոռուպցիոն իրազեկման միջոցառում՝ Վայոց ձորում

18.04.2013

Ապրիլի 17-ին <<Հայաստանի երիտասարդ իրավաբանների ասոցիացիա>> հասարակական կազմակերպությունը և Վայոց ձորի հակակոռուպցիոն կենտրոնը, Վայոց ձորի դատախազության հետ համագործակցությամբ և ՀՀ Վայոց ձորի մարզպետարանի աջակցությամբ Վայոց ձորի տուրիզմի կենտրոնում (ք. Վայք, Ջերմուկի խճուղի 10ա) <<Հայաստանն ընդդեմ կոռուպցիայի>> ծրագրի շրջանակներում կազմակերպել էին հակակոռուպցիոն իրազեկման:

Միջոցառմանը մասնակցում էին ՀՀ Վայոց ձորի մարզպետ Էդգար Ղազարյանը, ՀՀ Վայոց ձորի մարզի դատախազ Հովիկ Սուքիասյանը, <<Հայաստանի երիտասարդ իրավաբանների ասոցիացիա>> ՀԿ նախագահ, <<Հայաստանն ընդդեմ կոռուպցիայի>> ծրագրի ղեկավար Կարեն Չադոյանը:

Բացման խոսքով հանդես եկավ Վայոց ձորի հակակոռուպցիոն կենտրոնի համակարգող Էմին Բեգլարյանը:

Ողջույնի խոսք ասացին <<Հայաստանն ընդդեմ կոռուպցիայի>> ծրագրի ղեկավար Կարեն Չադոյանը, Վայոց ձորի մարզպետ Էդգար Ղազարյանը և մարզի դատախազ Հովիկ Սուքիասյանը:

ՀՀ Վայոց ձորի մարզի դատախազության դատախազ Գայանե Խաչիկյանը ներկայացրեց <<Կոռուպցիոն ռիսկերը Վայոց ձորի սոցիալական ապահովության ոլորտում և դրա դեմ տարվող պայքարի միջոցները>> զեկուցումը:

Ծավալվեց քննարկում, որին մասնակցեցին Վայոց ձորի մարզի Սոցիալական ապահովության պետական ծառայության Եղեգնաձորի, Վայքի, Ջերմուկի տարածքային բաժնի պետերը և Եղեգնաձորի, Վայքի, Ջերմուկի սոցիալական ծառայության տարածքային գործակալությունների պետերը:

Միջոցառման ավարտին քննարկվող հարցի վերաբերյալ իրենց նկատառումներն արտահայտեցին մարզպետ Էդգար Ղազարյանը, դատախազ Հովիկ Սուքիասյանը և ծրագրի ղեկավար Կարեն Չադոյանը: